

UGOVOR BR. 11-05-38-9392-14/16
o nabavci i izvršenju usluge za realizaciju projekta
„Edukativna platforma – ljetna škola za mlade talentovane naučnike/učenike“,

Zaključen dana **18. jula 2016.** godine između:

I – UGOVORNE STRANE

KANTON SARAJEVO
MINISTARSTVO ZA OBRAZOVANJE, NAUKU I MLADE KANTONA SARAJEVO,
sa sjedištem u Sarajevu, Ul. Reisa Džemaludina Čauševića br. 1, kojeg zastupa i predstavlja ministar Elvir Kazazović (u daljem tekstu – **Naručilac**)

i

AKADEMIJA 387 d.o.o.
sa sjedištem u Sarajevu, Ul. Milana Preloga br. 12

identifikacijski broj: 4201996870006, PDV broj: 201996870006, transakcijski račun broj: 1610000119590050 kod Raiffeisen bank d.d. Sarajevo,

kojeg zastupa i predstavlja direktorica **Gana Kalem** (u daljem tekstu – **Izvršilac**)

II – PREDMET UGOVORA

Član 1.

- (1) Predmet ovog ugovora je nabavka i izvršenje usluge za realizaciju projekta „Edukativna platforma – ljetna škola za mlade talentovane naučnike/učenike“, prema detaljnom opisu Priloga 2a. tenderske dokumentacije.
- (2) **Naručilac** naručuje, a **Izvršilac** preuzima obavezu da za račun **Naručioca**, a prema uslovima i odredbama ovog Ugovora i na osnovu usaglašene ponude br. 55/16 od 1.7.2016. godine, izvrši nabavku i izvršenje usluge za realizaciju projekta „Edukativna platforma – Ljetna škola za mlade talentovane naučnike/učenike“, koji će obuhvatiti 100 učenika srednjih škola sa područja Kantona Sarajevo.

Član 2.

Izvršilac se obavezuje da, po nalogu **Naručioca**, a na osnovu prethodno usaglašene i od strane **Naručioca** usvojene ponude, izvršenje usluge iz člana 1. ovog ugovora izvrši prema prihvaćenim uslovima, a sve u skladu sa odredbama ovog Ugovora.

III – KVALITET I OBIM

Član 3.

Izvršilac se obavezuje da sve ugovorene obaveze izvrši prema važećim propisima, standardima i normativima za ovu vrstu poslova.

Član 4.

Eventualna odstupanja od uslova koji su definirani kroz prihvaćenu ponudu, moraju biti prethodno odobrena od strane Naručioca.

IV – KONTROLA

Član 5.

Stručni nadzor nad realizacijom ovog posla vršit će ovlaštena lica – Nadzorni organ ispred Ministarstva za obrazovanje, nauku i mlade Kantona Sarajevo. Ovlašteno lice za realizaciju poslova po ovom Ugovoru ispred Izvršioca je g-đa **Gana Kalem**.

V – GARANCIJA O KVALITETU

Član 6.

Izvršilac daje garanciju na kvalitet izvršenja usluge.

VI – CIJENA

Član 7.

Cijena usluge iz člana 1. ovog ugovora sa uračunatim PDV-om iznosi 29.178,63 KM. Ponuda sa ugovorenom jediničnom cijenom i ukupnom cijenom nalazi se u prilogu ovog Ugovora i čine njegov sastavni dio.

Član 8.

Izvršilac nema pravo na promjenu ugovorene jedinične cijene, po bilo kom osnovu i u tom smislu jedinična cijena utvrđena prihvaćenom ponudom, smatra se fiksnom i nepromjenljivom.

VII – NAČIN I USLOVI PLAĆANJA

Član 9.

Cijena ostaje fiksna za vrijeme trajanja ugovora.

Član 10.

Naručilac se obavezuje da će plaćanje usluge iz člana 1. ovog ugovora izvršiti nakon realizacije ugovorenog posla u roku od 30 dana po ispostavljanju i dostavljanju fakture na transakcijski račun Izvršioca broj: **1610000119590050** kod **Raiffeisen bank d.d.** Sarajevo.

VIII – ROKOVI I USLOVI REALIZACIJE POSLOVA

Član 11.

Rok za realizaciju svih ugovorenih poslova po ovom Ugovoru je 14 dana od dana potpisivanja Ugovora.

Član 12.

Izvršilac je obavezan da realizaciju ugovorenih poslova obavi u skladu sa važećim propisima, uz poštivanje svih pravila, a koja nisu u suprotnosti sa važećom zakonskom regulativom.

IX – PENALI I KAZNA

Član 13.

U slučaju da Izvršilac svoju ugovorenu obavezu ne izvrši u ugovorenom roku i u ugovorenom obimu, Naručilac stiče pravo na obračun i naplatu kazne za prekoračenje ugovorenog roka u iznosu od 0,5% od Ugovorene vrijednosti, za svaki dan zakašnjenja, a najviše do 5% od ugovorene vrijednosti poslova.

Član 14.

Ugovorena kazna će biti obračunata kroz isplatu ukupne vrijednosti ovog Ugovora.

X – IZMJENA ODREDBI UGOVORA, RASKID UGOVORA

Član 15.

Ugovorne strane su saglasne da se odredbe Ugovora mogu mijenjati sporazumno i samo u pisanoj formi i kao takav dokument čini sastavni dio ovog Ugovora.

Član 16.

U slučaju da jedna od ugovornih strana ne izvršava svoje obaveze u cijelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostran raskid Ugovora i naplatu nastale štete.

XI – PRELAZNE I ZAVRŠNE ODREDBE

Član 17.

Sastavni dio ovog Ugovora čine:

1. usaglašena i od strane Naručioca prihvaćena ponuda Izvršioca posla br. 55/16 od 1.7.2016. godine (protokolarni broj: 11-14-22791/16).
2. sva druga obostrano usaglašena i ovjerena dokumentacija koja nastane tokom realizacije poslova po ovom Ugovoru.

Član 18.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

Član 19.

Ovaj ugovor stupa na snagu danom potpisa od strane ugovornih strana.

Član 20.

Ovaj ugovor sačinjen je u 4 /četiri/ istovjetna primjerka od kojih po 2 /dva/ primjerka za svoje potrebe zadržava svaka ugovorna strana.

Izvršilac
AKADEMIJA 387 d.o.o.
Sarajevo

DIREKTORICA



Gana Kalem
d.o.o.
Sarajevo



Broj: 63/16
Sarajevo, 18.7.2016. godine

Naručilac
Kanton Sarajevo
Ministarstvo za obrazovanje, nauku i mlade

MINISTAR


Prof. dr. Elvir Kazazović

Broj: 11-05-38-9392-14/16
Sarajevo, 18.7.2016. godine

